

田間集 卷之六

江上錢澄之飲光藁

五言律

龍眠山居禱興



築室當溪口，溪聲比舍連。
 截來穿竹徑，引去入秋田。
 酒夜難醉，臨流午罷眠。
 羽觴原上放，直過小橋邊。
 經營三四載，新構小茅茨。
 笋密僧私賣，租寬佃自知。
 開荒南澗澗，覓種下江遲。
 瓜豆緣塍種，溪邊盡插籬。
 亂後山田瘦，春陰趁早耕。
 秧針寒裏損，糞火雨中明。
 酒店乘忙蓋，鄰家爲水爭。
 叱牛墻外過，時有讀書聲。
 見說西峯下，陰寒可種茶。
 山深雲雜霧，地黑土兼砂。
 盛

田間集

卷之六

五言律

一

樂易堂

夏勤薈草初年忌摘。茅荷鋤僧不倦。常到日西斜。
古藤纏壁住。知是老墻根。竹色碧侵戶。梅陰香滿園。
野鷄衝客起。乳鹿避人奔。市上還防虎。山中不閉門。
虎入城

幾道灘難過。誰成獨木橋。田因更佃瘦。山以上墳燒。
邨婦雨中牧。了童屋後樵。隔墻來往近。有酒卽相邀。
一犁東作起。草徑狹難行。處處驅牛路。田田放水聲。
莫嫌連日雨。已是一春晴。客至親炊飯。兒童遣入城。
墻角鈎衣刺。繁花滿路香。翁饒判食菌。婦鬧爲爭桑。
趁客奔蜂毒。催耕候鳥忙。松棚新賣酒。私喚老僧嘗。
邨居離郭近。野老未忘機。收籜編涼帽。藏糝織草衣。
血

痕司獵網。腥氣坐魚磯。見客雄談古。東門看戲歸。
糧事聞人說。官收果便農。倘能減科派。詎敢後輸供。
僧徙施茶竈。鄰求造酒傭。今秋安水碓。借與四邨春。
休脫衣棉早。空山入夏寒。摘蔬盈一把。燒筍飽三餐。
老易溪邊講。詩文醉後看。恠余談不倦。得遇解人難。
好山何必買。得住卽吾廬。北苑眼前回。南華袖裏書。
水溝花自去。石縫草親除。潭上漁無禁。人來亂打魚。
講罷吾無事。巡溪步幾迴。草昏山欲合。杉黑雨將來。
畫臥鄰僧病。春寒野殿開。樵人歸不歇。前路伴相催。

過碩人醒園偶作

太冲耽野趣。市隱亦蕭疎。負郭纔通巷。開門別有廬。
小

亭畱客坐大宅讓兒居自說歸田後緘關懶讀書

酬左夏子

博物推公子誰堪共討論見君能不語覺我太多言居僻寧逃世交嚴豈閉門吾鄉無古學史法賴能存

招武水高子威入山話別

通家魏里彥兩月滯荒城訪舊老來意看山臨去情本無多石色但可聽溪聲欲問頑夫事丘中過此生

青布潭弔左子忠

未了一分願空捐萬里身故人虛有望茅屋竟難新許為茅得病因多酒遺孤仍舊貧潭邊宿草處一過一傷神

周信臣山齋

周生讀書處茅屋只三楹過水隨牛跡穿籬聞犬聲溪山高士意蔬米老親情寂寞真其得多時不入城

左氏山居新筍

此徑昔栽竹亂來無幾竿茅從今歲葺筍趁老夫看拔地蒼苔破叅天碧玉寒庭前盈數畝觸目是琅玕

出山纔十日清翠遍山隈似少去秋雨應從前夜雷迸生疑有怒競長是誰催飽盡平生眼行吟日幾迴

生意難拘束縱橫不作行斜穿寧避石直過似無墻空地補偏得閉園侵欲荒安排消暑處吾意已先涼

流水綠新竹平生意在茲忽驚青箇匕漸覺影離匕圻土僧親見抽梢人不知坐來光可飲睡足茗香時

頗恠篋管好還憐老竹根雪霜經歲月雷雨長兒孫犢
角一時銳龍鐘幾箇存池邊吾手植料得滿家園

訪張齡若不遇

北山有逸士相訪每相違陋巷無多屋居人共一扉客
來題壁滿僮應在家稀為問比鄰叟經時夜始歸

贈孫小武小咸昆仲

觸目通家彥傷心汝弟兄因君尊父執覺我負交情震
澤曾同難閩關是再生艱難經百折慎勿墜先聲

過祝山如出示新詩

東門城口鬧中有逸人居一徑入深巷蒲牀堆異書茶
從僧轉覓酒為客長儲佳句篇七好名傳豈待余

冬夜同方子山子安田伯素伯孫小武小咸陳大

匡戴韓五左壯于峙匡集武子齋談詩漫示

敢矜風雅伯難處老纔知諸子才皆大吾鄉調不卑細

求五字汰小構一篇詩吾鄉體好為七言又一題輒得

亦以試建詞壇幟中原抗者誰

此哭胡臨海子兌

送君榮去日握手覺心悲病勢人傳久除書客見疑除見

猶未臨海別有也孤兒扶襯日老母倚閭時割俸編詩願

同鄉更伏誰刻子龍眠詩學

同于廷子山潛伯武子飲城外小店田伯素伯臥

公威公大匡隨至澤

野肆東門外軒窗面匕幽偶然尋酒伴何意聚名流小
飲豪奴笑深談店叟愁市人不敢入稽阮在鑪頭

孫易公信到得姚六康函問

忽承孫楚訊云是武功亾同舍還誰在孤心益自傷三
年端水楫兩夜白門牀亂後六康過白下與同宿者兩夕零落南來雁
如今又斷行

又得陸漢東信知到金陵卽回

昨歲江城聚風流二妙才如何三載別獨見陸生來客

路潮陽遠公車白下回橋西訪舊宅應恠少人開余舊寓大

市橋西漢東曾過其處

水邨卽事示諸從子

卜宅依先隴桑榆水上邨牛多深巷溘爨密晚煙屯野

渡遙通市疎籬不設門一房三百口強半是諸孫

節令看將近湖田未肯荒雨多防壞麥寒戀不成秧牛

力侵晨猛人工迫夏忙家匕兒采藕足濟半年糧

昔人分占地已是百年居力作纔堪過游閒少有餘水

邊難恃稻田脚亦關魚吾意傳家法朝耕夜讀書

近水山都小穿湖路盡通帆低歸浦雨傘敵到家風門

繡蒼苔澁堤號老樹空全家生活計多在森茫中

見說土膏動今晨人下田蒲抽三尺劍荷卷一溝錢買

吏防增稅迎神特問年曆圖全不驗可是暮春天

小雨淹旬日新晴杖可扶山藍爲對岬井脉自前湖隔

水農相問栖田鳥暗呼破烟撐艇去半是白頭儒
簷溜何時住春泥不肯乾子孫如此眾屋宇那能寬草
澤收牛早秧田護鴨難衣棉脫更著早暮覺全寒
天陰無早晚又見暮炊時狹路牛行讓閒田鷺起遲山
名方語誤水影釣船知眼前諸俗事盡可入新詩

過老鸛庵

野路通精舍山門對面疑客從林際下僧在竹間窺石
磴到須坐好房開始知師徒欣接待剛是焙茶時

過庭玉雍產邨居即事

牛屋重七架湖田面七青船成下水試網晒過山腥晝
靜人皆出宵勤戶不扃移居凡幾代頓有百餘丁

吾愛堤楊下家七繫小船一門工射鴨四季得烹鮮野
茨堪支飯九蓮亦值錢蕭條憐二子轉覺廢書賢
一邨皆可過生計在湖濱聚密居疑偏產多分亦貧荒
原無棄地深巷少閒人暗惜詩書種休令此澤民

夏日園居雜詩

共羨炎蒸日吾家萬樹中巷涼微有氣午熱轉因風睡
賴看書引吟惟即景工小船常入市河路幾時通
竹間門不掩襪襪少相尋牛賴汚池臥蟬移遠樹吟忘
饑看稻出耐暑喜苗深獨有澆花客私懷望雨心
竹窗無日色吾意欲移床雨轉東頭散風沾北氣涼井
寒思洒簟房濕勸焚香不是眠多過寧知晝許長

春泥
地
不
去
天

世事無吾分，新聞不願聽。尋巢還雀覈，破網救蜻蜓。野
店人情詐，農家草藥靈。施茶有功德，慎勿令僧停。
自是山人性，偏耽水屋居。稚孫央放學，小婢竊翻書。草
淺鷄捐蝶，禾深鴨咬魚。入城無一字，真恠世情疎。
總無身外物，斗室卽堪容。檐鬪新來雀，窗吟欲出蜂。酒
移旋變味，茶盡吝開封。氣愛湖心菜，兒童日采供。
小院經時到，閒關滿地苔。甃階虫不去，移屋鼠先來。茶
子如期出，瓜秧過節栽。宅西門向忌，且爲有風開。
縛棚初不蓋，蒲架有藤蘿。近市瓜蔬賤，通邨麥飯多。菱
溝鋪舊錦，禾浪熨新羅。辛苦南莊叟，桔槔還唱歌。
餐飯應從減，深憐鬢婦炊。鷄栖日午樹，蟬接夕陽枝。蛛

網閉終日，蚊雷鬧一時。松濤聲不下，何處有微颺。
竹樹陰非薄，人來乍覺涼。無風雲突兀，不雨電張皇。覲
面田蛙坐，聞聲水鳥藏。把竿呼釣艇，吾志在滄浪。
行止無多地，身心祇自寬。幔沾螢火小，書夾蠹魚乾。頭
爽僧新剃，眼昏曆倩看。詩成吟數過，急索諷人難。
秋邨八課

穫稻

今年秋較稔，隴稻一時黃。得暇先完廩，占晴早築場。鷄
豚開柵喜，婦子合邨忙。卽擬輸官稅，寧期卒歲糧。

釀酒

新酒通邨熟，吾家釀屢催。撇嘗頻就甕，看煮自持杯。到
田閒集

卷之六

五言律

七

樂易堂

手能無醉封頭誓不開菊花久窻好畱待故人來

捕蟹

月黑江頭火邨中捕蟹歸綠沙籠炬密上水結罾稀筐以經霜滿螯知食稻肥久拚持殺戒為爾願還違

移菊

山人傳善本栽法乞僧家何必種求異且圖籬有花色中黃自正藥裏白為嘉老太希明目宜容霧早遮

除架

青也原上架采摘不時需祇恠籬先弱宜知蔓早拈花稀空見惜用盡若為扶遲暮應相棄毋勞歎老夫

掃葉

秋山不可掃秋葉掃還吹路没人行少林深犬過知豈惟除竹徑亦以佐薪炊吾意紅堪惜堆來寫近詩

葺茅

農隙爭乘屋秋晴趁好天葉紅堆處爛蘿碧補時牽免濕齋厨火期安雨夜眠家人思換瓦此志慰何年

篝燈

門扉向夕掩燈火入秋清篋裏藏團扇墻根覓短檠雨中挑穉暗涼壁照蛩鳴老太難深坐空慚永夜明

秋邨八聲

雁聲

江南秋未半已覺雁紛也沙渚誰驚陣關河乍失群排

空天欲暮叫月夜初分惟有羈愁客樓頭最早聞

蛩聲

蟋蟀聲難斷千秋此夜深漸于牀下語合在壁間尋處
處愁人耳年已旅客心天機依物候豈是爾能吟

蟬聲

秋蟬嘶漸弱惟覺晚來悲遠樹初吟處前邨欲歇時
意侵寒露怯聲送夕陽遇合抱枯枝死淒涼更聒誰

葉聲

墜響空階靜辭柯一葉乾無風吹地走不雨打簾寒已
覺掃堪惜還憐踏欲殘掩門深坐聽山路正漫

砧聲

今年寒似早已聽搗衣聲塞上何時寄閨中此夜情拂
砧心子細調杵恨分明空感居人耳征夫迥未驚

春聲

江田收穫少所喜確初喧杵急雨中屋春疎月黑邨聽
芻于夜靜聲只在籬根燈火依微處人家已閉門

紡車聲

農事經秋少婦功入夜新繰車聽太慢絡緯語來親分
照憐同伴聞聲和隔鄰莫愁膏火盡自有代然薪

讀書聲

何處書聲好茅齋秋夜深烟高孤鶴語月澹一琴吟自
何靜中聽焉知讀者心不拘誰子弟吾只喜清音

梅花詩

自乘空山秀非由處士栽黃昏餘雀啅深雪少人來懶
 與芳菲競聊于晚暮開道傍無識者翻謂被春催
 春信眇無緒荒烟空滿林偶然臨水見慚愧遍山尋也
 識水霜意誰窺天地心歲寒同調少惟許老僧吟
 生意梢頭小枝條亦自嘉碍檐妨剪折在野任橫斜
 角稀疎蕊籬間冷落花上林無處著只合老江涯
 幽芳禁不得嚴冷最相當月澹餘清影霜濃覺暗香肯
 為羗笛弄空想漢宮粧欲折誰堪寄休開驛路傍
 離匕壓殘雪脉匕照溪濱一任夜無月何妨天不春芳
 華憑俗賞風味與誰親祇覺閉門後徘徊似有人

北風吹不折兀傲小窗前弄影窺山鬼品香亞水仙好
 沽邨酒醉合照道人眠楚客辜芳遍遺君世外傳
 何代花纔著風人咏者稀不妨逃作卒寧取號為妃夢
 亦尋高士魂應著縞衣時蒙野外訪半是凍僵歸
 落葉殊無賴含苞今滿柯移根避烟火受命在岩阿豈
 必天寒好其如歲暮何輸他松樹老還覺此花多
 何處花先放向南三兩邨未春天似夢徹夜月無言且
 喜昏鴉散毋嫌翠羽喧衆芳久寂寞賴汝照乾坤
 風雨自吾分時逢此夜晴耐寒殊不苦著色摠成清霜
 已凍無縫雪惟翻有聲俗人爭解惜應是慕虛名
 小築東果庵兄乞石礎口號

小築依山麓經營基始平煩君致石礪爲我奠松楸土
木功全賴棟梁任不輕異時占礎潤風雨憶君情

微雪

昨夜風如此能無一寸深積陰凝北戶輕素抹高林書
短日光薄家貧寒氣侵梅花消息早也索杖藜尋

冬夜不寐

酒醒夜纔半爐埋火漸微嚴霜欺襪被缺月瞰門扉世
界天寒靜人家歲暮稀遙聞犬吠多是納糧歸
似是今宵冷新泥草舍溫雁聲疑帶箭虎跡直侵門夢
恹空林嚮醒挑穉子言鄰鷄啼隱尚隔幾家邨

田間草廬初成移居

結構三間小經營兩月多堂應延野老壁合掛漁蓑元
亮柴桑宅堯夫安樂窩不知茅屋趣于此定如何
堂隅藏斗室開取向南窗墻壞遮憑樹山圍缺見江遠
鷄晨隱也高雁夜雙也擬作課孫塾餘年第一樁
到處家頻棄故鄉初有廬差強于客舍大半似僧居店
近除零酒河荒望小魚鑿頭藏壁後親種一畦蔬
柴扉不擇向只對遠峯開日月當門出江山抱屋來入
林惟少竹湍徑自生梅已訂墻東爰求根密也栽
草舍工纔畢貧家力已殫爲畱樹不衣遂使屋難寬吾
臥且粗穩兄栖尚未安小厨嫌太逼幸自儉盤餐
累旬傭土木衣敝屨頻穿開困無多米看囊剩幾錢未
田間集 卷之六 五言律 十一

防冬事逼且得雨中眠祠宇規初定成應在隔年

縱目

清秋閔縱目時復過東臯潮上溪流轉江明水面高遠
帆疑不動深夜似聞號小艇乘風進舟人豈用操

田間雜詩

農事吾曾學園林况可栖
犢需三社教田過九天犁
雪少春無雨霜濃晴有泥
麥苗先後種出已一時齊
茅茨松竹裏編棘偶爲園
水落旋成徑烟孤不入邨
老惟能讓事躁未免多言
薄俗真難見吾生合閉門
木落塘邊路終朝踏葉行
昏鷓爭有故過雁急無聲
吟苦渾忘老詩成豈爲名
偶然得佳句似構自前生

近會居家法安貧豈是癡
無燈眠太早借米飯常遲
煖老無需玉調脾喜帶飢
晚來圍被坐饘粥氣相宜
世法終難學時流不可親
自知饒舌慣常觸用心人
醉恐難頻恕交防太率真
通身無俗骨只合守長貧
借問江邨課冬來事未休
因編籬馬大爲護麥驅牛
嘉樹尋人接好花用意謀
茶鑪不斷火松子亦親收
世界窮如此吾徒更可知
兒愁催稅吏孫失授經師
飯少煩春細爐寒勸起遲
問年纔五十底事鬢成絲
小構冬難畢籬疎且補柴
過炊畱犬飯減米打僧齋
老矣粗堪遣安焉不敢懷
似忘行脚苦又欲理芒鞋
長夜不能寐多年祇獨栖
心全爲易耗持復著詩米
鳥

嘯常疑鬼兒啼直准鷄放閒無別法惟有醉如泥
自問田間老何如藥地翁無可師早誅茅庇雨碎補衲遮
風是事耽吟廢凡心一醉空讓君成苦行不必又雷同
入冬纔數九已動苦寒情霜重天將變風嚴晚欲晴群
鷗旋不下野鴨陣成聲聞說梅花綻前邨冷怕行
小港通江路到門祇見山客因迂道少身以背時閒藥
物慵能損酒錢零易還生涯一字訣惟學子瞻慳
一陽生幾日生意覺全微日短抄書少邨空問字稀帖
天鷹漸沒困雨鴨知歸自向田間老毋勞辨是非
野外閉門早窮冬似不寗夜長鐺火慢天黑壁燈青兒
語嫗能省鼠行狸會聽偶然思小飲已覆掌中餅

不心捷

江邨無事叟世界不拘身老大惟防病交游厭說貧閒
常如作客傲爲懶求人時俗憑他假何妨獨任真
已辦開年酒安排不出門紙糊通屋煖衣覆半牀温醉
後求壘汁饒來煮菜根親抄工部律窗下課雛孫
祇慮蕉蘓乏須防雨雪霏婢遲捫虱應僮冷捕魚歸夜
坐看裝絮晝眠待浣衣一編詩過日徒倚只岩扉
莫管兒孫事求安只此身荷衣耽著舊菜甲喜葺新犬
避常來客鴉馴久住人殷勤憐小豎殊不厭家貧
炙背攤書坐人來藉杖興魚喧經過懶雛護側飛鷹晝
暖眼生霧夜寒鬚有冰詩成多健忘落稿卽時登
鹽米看將盡人情况逼年寒凝烟不起陰壯火難然犬
日開集 卷之六 五言律 十三

怨厨荒坐，猫貪席煖。眠一裘，思換布。指望賣文錢。

樂易堂落成

傍墓三間室，還家十載情。投閒非避世，鍵戶且偷生。身老居互煖，眼昏窗欲明。西偏虛斗室，住我白頭兄。清淨同僧舍，吾名樂易堂。羲經為貝葉，神王代空王。粥飯時鳴磬，晨昏每炷香。琉璃通夕點，一樣佛燈光。尺寸經心出，堂成未覺貧。新泥墻不聖，勤掃地無塵。就砌安茶竈，邊厨作米囤。歲荒難設酒，粗飯待交親。頽垣互補築，不許路經門。梅信偏疑早，松聲亦厭喧。當風開北戶，看月在南軒。檻外辛夷紫，春來萬朶繁。戶外田須廢，開池細引渠。擬添臨水檻，題作製荷居。窪

淺多栽藕，溝通好畜魚。客來垂釣取，亦可佐盤蔬。

建祠通邑議，經始廿餘年。多士名應紀，中丞額尚懸。與

先君子歿合邑士人請諸中丞鄭遺書藏有室，供祭稅

無田未敢私，孫子惟求賢者傳。

哭仲兄湘之翁

不見吾兄久，存亡迥欲迷。孤兒謀食太，寡女閉門啼。竹

補常來徑，蔬荒舊種畦。安仁啣恤處，今日與同栖。

斗室栖身處，叩門日幾迴。詩成背客寫，茶熟盼余來。衣

篋分都盡，書箱鎖未開。半年不忍到，雨滴一房苔。

頻歲風波惡，行藏苦勸余。也知兄漸老，特構屋同居。龕

設將供主窗，分擬讀書落戎曾不入。半篋至今空。

偶然作

未肯持齋戒何心出世氛在家難斷酒垂老賴茹葷
想無時滅訛言亦喜聞倘能真不碍僧俗可須分
去歲灰堆裏無端忽破疑卽今心不死深悔戒互持
處偏知護安焉詎肯離此中全了也只是自相欺
叅禪難得力知是病根深熟處愛難割閤中開自尋
能終日醉猶賴逐時吟不信宗門老全無雜用心

後偶然作

靜夜觀心坐問渠觀者誰衆餐余亦飽魚樂客原知佛
恣惟言覺禪家每勸疑不勞相勘驗吾自得吾師
近得羲文旨無心更學禪物情緣底滯天道看來圓路

盡處偏轉薪窮時自傳騰也吾任運不用燭幾先
大易咸爲感仲尼聖在時本無心足用室有物能欺天
地原由我鬼神更是誰點胸吾自信底事問人爲
一貧遂到骨得意向誰言始覺身心樂皆承患難恩厭
人談佛恣肯自斷名根世界無窮事還憑妄想存
百歲行將半吾室誤此生是非誰檢點得失自分明世
恣隨緣去詩篇看興成眼前無一事何處可縈情

寒夜讀書漫興

把卷不能寐爐存火一星古人書具在今夜客初醒孤
月指邊見震雷覺後聽六經吾注脚何意更談經

南華

南華吾熟讀世故老蒙莊怖死情偏切謀生心亦忙言
因無用大身為好名藏攘臂支離裏何人窺短長

相應

鬚髮吾寧碍衣冠世共憎偶然欲免俗何意遂成僧問
俗人難賺傳經我亦能置身緇素裏無事不相應

秋夜過陳遐伯雨窗茶話

小院茶鐺沸山人客未貧丹青一代手智慧再來身掛

壁燈光暗吹窗雨響新夜深談不散吾近在比鄰

揮毫縣左腕一柱此鍾奇陳潛山人有筆墨人皆好談

諧我獨疑傳家多絕藝隨意有真詩恹然龍眠客偏稱

老画師

五言排律

重九夜集默公長干寓齋燈下看菊同小范得花

字

城郭人初散山亭日易斜未酬佳節興同集老僧家鐘
閉三門月燈開滿塔花報霜新雁過警露草蟲譁佛案
橙新摘經牀菊始華暗香迷次第澹影亂交加鈴警栖
檐鴿巢翻定夜鴉共傾元亮酒獨試遠公茶飲量窮全
減談鋒老漸羞悲秋都不必吟醉是生涯

雪後同星卿訪旭公碧峰寺卽事示七處

僵臥依衰柳行吟伴老翁屐穿蔬圃外扉掩竹聲中擁
被曾殊瘦尋詩客盡窮雪鬢如有待水裂乍疑融野溼

荒心白山門黯黯紅奔騰群馬戲鳴噪晚鷓鴣叢煖憶澆
胸酒歸迎劈面風菜稀知市貴麥壓望年豐趁凍愁街
滑防泥覓巷通寄聲朱七處此意画難工

望鍾山

靈谷身難到雨花眺最悲已無千歲鹿空泣萬年枝寺
閉秋聲裏峰明夕照時寢基樵徑破野燒牧奴遺碑說
磨刀滅笳聞收馬吹孝陵圖本在一覽一妻其崑山顧室

人摹有圖本

金陵禱咏

寺嚴游女禁今見往來頻入院車偏熟穿林馬亦馴茶
湯前內監星卜老遺民栢樹枝多死南廊僧漸貧信心

惟道媪護法仗時人大殿工將起梨園賣戲新長干寺

荒臺游不改迥異廿年前路口牛車塞山頭羸帳連歌

難按舊拍囊少帶閒錢酒店經時剪茶棚逐處遷勢官

矜顧盼詞客鬪詩篇獨羨輿人醉酌草上眠雨花臺

春市家已出粧成壻喜無樓須多日定衣是隔宵租勒

馬情空注窺簾色盡殊官裝新比調民俗舊南都綵仗

排班少羶裘奪路趨芒神荆棘繞吁駭問農夫春市

閭閻猶似鬧世事已全非官在微行傲市因強買稀念

珠尋蠟珀時服重毛衣索看成交少間攤問價違殘書

愁客檢贗画聽人譏獨見遼陽叟牛車載貨歸燈市

伊昔狎游地經過亦可傷鷓塗殘粉壁燕壘落雕梁客

到談遺事兵來說空房故家多脫籍前輩盡從良問姓
新移住知名別處藏敲門不敢應愁絕是邊裝舊狹邪

仲兄初度日偶成四十韻

青山招隱地皂帽灌園翁筋力天私健門庭齒最崇
栖羈客似獨宿老僧同飽肉資兒俸供甘費女紅兄弟有
以針緝我庵黃葉下兄臥白茅中容膝纔如斗遮頭略
比蓬屐乾晴怕脫書爛濕頻烘夜榻施癩覆秋燈著紙
籠誦因無本熟句以不眠工警寐聞蘆雁聯吟伴草蛩
題枯思曲折字細眼矇矓入世嫌腸直居家幸耳聾酒
惟呼弟飲經必遣孫通擔糞看粗婢爲牛弄小僮判芻
宵喂蹇除架早栽菘鄉里衣冠溷樽罍餅餌充毋輕開

此口切願反諸躬事到手殊棘人知心尚蓬馳驅焉得
已噉啜漸難雄且喜荆猶合休嗟桂舊叢嶽連慚二室
行斷剩雙鴻險韻詩更和佳辰杯肯空霏微吹座雨明
滅隔江虹方竹裁斑杖圓荷截碧筒英餐初墜菊曲奏
半焦桐自得貧居趣何須生計豐七旬來鼎匕百歲過
匆匕莫任貽成性應拚講習功叅禪隨意坐學易與身
終祠屋穿三架瓜田廢數弓晨昏依木主清白守家風
樹色窗朝北湖光戶面東乘涼颺習匕曝背煖融匕怨
物銷間怒齋心息內訂擁爐圍襪被篝火映簾櫳音籟
由天發頭顱任雪蒙豈徒寧喘息兼以課兒童祖德時
時說遺編世匕攻少年能聽順長者亦虛公卽此真安

田間集
樂誰言吾道窮

田間集

卷之七

江上錢澄之飲光藁

七言律

江上有感

不宿汀洲踰十年水禽煙樹各依然烽臺榜署新軍府
汛地旗更舊戰船估客暮占風脚喜漁家晝逆浪頭眠
江天事事渾如昨回首平生獨可憐

阻風磨盤洲

北風吹雨阻江沱鷗鷺連天起白波沽酒蘆中尋店
買魚沙上喚船過土音漸覺鄉關近客載惟逢米豆多
向晚篷窗眠不著隔檣愁聽健兒歌

田間集

卷之七

七言律

樂易堂

亂後江程估舶通千檣泊處一邨空灘頭客附漁家火
路口神栖破廟風梅福隱來休問姓管寧歸去已成翁
行吟忽有僮識猶詫鬚眉與昔同偶遇何次德家僮

皖城

皖公城控大江流萬里人歸此泊舟津市魚鮮多碍路
網船親戚共張鈎老兵賣酒鑪難問瘦馬呼群棧不收
徙倚關橋相識少黃昏鼓角迥添愁

樅陽

樅陽市井倚江開小港寒潮日暮來駟豎遠迎舟楫問
羈人暗雜客商回鄉音乍聽兒童喜時事初傳父老哀
好望邨煙尋路去到門應是舉家猜先遣兒子往訪江邨

到家

辛苦天涯願已違江邨重返舊柴扉十年事付游仙夢
萬里塵侵學佛衣門巷改來松桂在庭階認去弟兄稀
相逢莫訴滄桑恨猶勝令威化鶴歸

傷逝

學道忘情苦未忘蒲團空炷夜禪香回思虎口真偷活
每痛龍髯罷悼亡老嫠尚畱分寄篋癡兒還指舊扶牀
無端一案當階棄憶爾雙眉淚幾行

喜雪

年年臘盡滯天涯白首生還度歲華炎海人歸初見雪
煙邨樹死半開花巢低老屋漁翁宅竹亞柴門處士家

暢好江天宜極目，晚來峰頂杖堪擎。

遇曾庭聞燕陰市上

自著方袍萬恨平，窮途遇爾轉傷情。我從嶺外經年至，君向江南何處行。瓢笠喜無鄉里識，鬚眉猶使故人驚。相持莫便當街哭，為到郊原一放聲。

赭山懷古

春游無伴獨躋攀，北狩曾聞駐此山。燕領血凝芳草碧，請黃龍鬚淚滴野花斑。奸臣誤主危時遁，靖南遺客捐家晚歲還。余以黨禍家商估渾忘朝市改，滿江帆落泊燕關。

訪沈惕庵邨居

閑鎖高樓野外居，故人相訪暮春餘。水田泥濁調生犢，

山路又多信跛驢。屋賃半間栖劍客，窗存破硯寫方書。

嶽僧近自湖南至，又過城隅給米蔬。

夢回鈎黨痛猶新，同楊庵與余握手相看萬死身。滄海變

餘吾道在，青山別後舊交貧。放聲歌哭無多處，開口笑

談共幾人鄰舍藥欄花正好，却緣底事獨傷春。

俞缶庵藥室

十年歎世老鬚眉，賣藥城西志可悲。方未施人為養客，學因多病竟成醫。買松深護巢僧夢，穿井驚聞橘叟棋。癡絕半生甘俗棄，惟餘此道合時宜。

萍踪底事滯江鄉，半醉開衣指箭瘡。新傍清溪租藥室，

許畱老衲設繩牀。壺中有粒難除癖，肘後何方可愈狂。

每恠婆心偏爾切原師我佛大醫王俞曾爲金山僧

過羅梨柯廬居

憶昨追陪劍水傍鄞江變後苦相望風霜偏老支牀骨
涕淚猶盈泛海裝調疾雨中糊藥室飯僧松下啓齋房
柴桑倘遂平生志馬隊讎書應不妨

訪湯玄翼郊居

高士新租圃解居春深庶下夜春疎閑尋碑石讎難字
喜過街廛覓異書病色祇疑禪定起談鋒偏洽茗香初
清詩忽被詞林賞博得鄰園五斗糶湯有詩爲吳詹事所稱貽書其同年

五月給米五斗

泊銅官遇武水戴子倉卒相識說嶺南事得素臣

我貽近狀

江船夜泊銅官渚幕客春從庾嶺來姓字久逃方外變
鬚眉老被故人猜瘴油梧毘情偏切烽鎖梅關望不開
却喜御風存二子片帆天遣幾時回

聞林樹本客死蒼梧

梧雲嶺樹不堪思此夕遙傳萬里悲客興最濃聯舫日
交情偏篤避兵時家浮瘴海朝迷渡雨聚蠻邨夜賦詩
我出網羅君竟死天涯誰爲護孤兒

寄彭孔哲刺史

蒼梧使者重交親鄉曲情從異地真囚首江亭逢候吏
吞聲官舫慰纍臣榕陰深護危巢卵曼公息客家俱借庇海氣遙

日南集

卷之七

七言律

騰破網鱗別後烽烟未全息庾關西望幾傷神
 梧州城踞夾江沱亂後因君得再過津市煙銷殘竹瓦
 山樓月落起蠻歌飲除水井泉源少候近桃花瘡癘多
 嶺路漸通人漸散獨畱高寺老頭陀曼公為僧掛錫雲蓋寺
 輓蔣誰庵司徒客死長干寺

煤山變後幾人髡破衲年年滯白門鈔法萬言前輩重
往遇熊魚山先書生一命烈皇恩文壇于我知偏早
生極贊其妙僧籍推君臘最尊古寺繩牀回首去逍遙不用
少相極知賦招魂

暑中走椒嶺省方氏姊示諸甥
 十七年前椒嶺路短驢疑在夢中行兵烽幾度門無徑

靈雨初通澗有聲得久旱牛屋半楹啼寡姊蔬盤一夜費
 貧甥老來萬事心灰盡益重人間骨肉情

送別曾青黎入楚

百粵三吳萬里經游踪不為大親停曾有大母難兄西
 邁穿秦棧於兄庭聞令弟南趨過洞庭歲晚江深孤櫂
 遠天寒氛淨九疑青同時鷗侶如相問說向心灰似管
 寧

夜歸

江上霜風吹客衣菰蒲艇子夜深歸征鴻暗叫尋行度
 野鴨齊驚破陣飛近水林巒行去失遠邨燈火望中微
 犬聲出屋春聲歇知有人開竹裏扉

長河堤上同家兄舍弟口號

稻護江邨秋色闌長河水急客心寒
潮流漸細魚層密官路纔通酒店殘
柏葉吟風紅的的蘆花吹雪白漫漫
廿年攜手行歌地滿目淒涼掩淚看

澗漕後山晚眺

湖上冬晴湖水平夕陽山色遠含情
數家牛屋參差住一葉漁舸次第生
月架斷崖迎面起燒連荒塚隔溪明
遙遙犬吠寒林外華子岡頭聞豹聲

水厓哭方子畱

已矣方生恨莫伸傷心不獨為交親
自憐萬死畱殘喘底事終年哭故人
供佛有廬工未竟課奴為圃菜方新

惟前乳母哀哀訴弔爾偏逢初度辰

太歲白門亡蔣詡今年東海失方干
子畱客死明州故鄉漸覺

同人少吾道惟互野死安塵世本愁天
夢夢泉臺更恐夜漫漫遺編一半垂危錄
筆墨淆訛不忍看

得彭然石書信

瘴海星飛去莫攀書來猶說在人間
馬嘶郊甸圍棋散善奕烽鏃關門托鉢還
燈火夜聯江上艇詩題秋共粵西山
天涯痛哭張巡淚謂別山準擬開緘尚有斑

澹歸江上過寄訊云為益頭僧八月矣
頃從廬山來期余長干聚首忻慨成詩

鑪峯何意跛能登舊稱跛消息初疑尺素憑
早信皈依

緣誦佛澹歸昔以誦佛為天然但存血氣總為僧相期
塔寺尋方丈怕過鍾山望孝陵來往吾廬江上近扁
舟底事與難乘

白門過無可師竹關

蒼苔雨過跛驢艱破寺城南獨叩關松徑已經兵後毀
竹房疑向夢中還霜刀新剃頭嫌冷凍硯頻呵手未閒
擁被夜深談易理與君耐可老青山

金陵卽事

秋山無樹故峻嶒幾度支筇未忍登荒路行愁逢匹馬
舊交老漸變高僧鐘樓自吼南朝寺佛塔還焚半夜鐙
莫向雨花臺北望寒雲黯澹是鍾陵

城郭人民迥未移夕陽鼓角不勝悲屋檐幾處添宮瓦
石路何年踐御碑祠廢已無官樹禁寺荒端為賜田追
酒樓遍唱關東調誰聽秦淮舊竹枝
日落荒祠鷓鴣亂鳴蒼苔道滑少人行為尋鐘梵趨投寺
怕觸車塵戒入城野老善談亡國事山僧猶唾賊臣名
周雷碧血藏何處欲向墳頭哭一聲
鍾山依舊有雲封宮監孤忠尚荷容報國獨存千歲琬
護陵猶守一株松休從廢地占龍氣敢憶深林見鹿蹤
方外小臣曾未到幾回落炤哭秋峰
金陵佳麗已全非十一年來識者稀山色清秋停蠟屐
人家白晝掩雙扉練鎚小婦排門入務面群兒放畜歸

城北酒狂還認得謂李為憐衲破解寒衣

畱別純水僧舍

鞋穿衲破苦霜濃開士團瓢許暫容院廢獨存三徑竹
山深空記萬株松爐香防燼常埋火道侶無人自打鐘
此願佛天應不負任教蛛網滿龕封

白鷺洲贈胡次公

最憐開國舊諸勳休戚同時尚有君早棄賜田鄉黨笑
獨畱陵屋子孫分麻藏枕匣宣宗詔瓜覆園門公主
墳時向市曹收死爻親為裹革厝江濱

哭何薦生

山路覓音半歲稀誰憐垂老淚頻揮年來屈指交情盡

海內灰心吾道非得病可因長夜酒遠游為救闔門饑

田疇芟蕪荆扉掩祗似中州去未歸篤生在洛陽一
夕大醉遂得病

北歸趨問維摩疾強起堅邀老爻畱紅稻春來炊旋熟

碧蛆傾出酒新筍却看鬚髯驚全變為向交游說漸瘳

我公白門君厭世誰知此別是千秋

小年夜傷懷時家兄幼安新喪

夜向新墳哭數聲掩門獨坐暗傷情素琴欲鼓音先盡

春草將生夢不成折翼那堪多難日斷腸惟對白頭兄

謂仲三年撥火圍爐處幾度循墻尚擬行

哭家兄幼安

霽雨淹春春不晴春晴幾日已清明酒澆新塚無人跡

庭掩靈帷少哭聲。陌上農忙爭播穀。枝頭鳥鬧早催耕。
野花墻角邊山路。獨少吾兄課種行。
亂來早棄舊青壇。滅盡平生興可憐。城市十年蹤已絕。
西南萬里眼空縣。病因身死方知篤。里以人亡始歎賢。
好爰夜臺先作主。論心猶得慰黃泉。兄所善何篤
生先數月物
四十纔過已倦游。詩狂酒態一時休。也聞多病偏宜壽。
底事當歌不解愁。入俗常防兄弟笑。問田深諱子孫謀。
臨池擬構三間屋。枕被同牀願未酬。

峽山

峽山西去路初平。每憶吾兄並馬行。墻角野花開撲面。
陌頭春鳥亂喧晴。催殘旅夢侵晨飯。聽遍塗歌徹夜聲。

十六年來無限恨。寒驢獨叱不勝情。
山邊草徑已成蹊。野火燒餘碧未齊。斷黑上關防有虎。
侵晨炊飯罕聞鷄。酒家新占居民少。市井重遷舊址迷。
人跡較稀車路淺。馬蹄不濺尺深泥。

左氏山居感舊

郭外諸峰久見招。西溪流漫雪初消。趁晴不策衝泥蹇。
過淺都憑隔水樵。綠竹已殘僧漸護。青山無禁火頻燒。
種田尚有遺民在。驚我重來處處邀。
餘生重作故山游。枕被相期信宿留。廢館墟存爲佃屋。
前灘草合改溪流。把茅蓋頂初遮佛。獨樹眠堤自繫牛。
惟有昔年墻外水。聲聲徹夜遶牀頭。

酬戴山民孝廉

二戴曾傳大小名賢書遠慰豫章城余歸至南昌重來
白社尋安道共向青雲哭子荆謂振公今弟鬚髯增我老
故人悲憤對君平多年不作鷄窗夢為爾還深風雨情

哭鑑在

吳生展轉桂林間望見霓旌尚擬攀棄室家奔象郡
竟捐骸骨葬虞山傳聞未定何時死論志原知不肯還
笑我歸為鄉里賤餘生偷得幾年閒

同爾止子直不害訪瑤若山居得交字

同人有約隨魚艇獨樹遙迎見鳥巢白酒儘拚秋晚醉
黃花肯負歲寒交池邊小閣新添檻竹裏涼亭舊蓋茅

安得比鄰成二老柴門來往不須敲

既送爾止子直東去獨宿不害齋中

送別同人夜斗寒老狂無賴宿江干蓬窗擁被霜風緊
茅屋吟詩蠟炬殘蟹火漸從沙脚出橘香只在案頭乾
尋山句看篇篇穩為爾書題壁上觀

方貞述先生輓章

蛟臺夜見大星沉淚洒縱江聽訃音白首韋編三世學
青山木榻一生心憶開笑口談佳夢獨向私交示苦吟
雅志未酬賚恨沒九原不負國恩深

曹山孝子已披緇還著麻衣哭總帷絕學誰傳康節易

先生易學斷腸難讀放翁詩詩有示兒絕句先貧來鄉
宗仰子每讀之失聲
日問集卷之七七言律十

里猶疑假疾向交親忽似癡碩果晨星零落盡普天贏得幾人悲

白鹿山中酬周農父

自失揚州史相亡幕中遺事話淒涼那知虎穴他生夢還共龍山雨夜牀酒後不眠真老態劫餘未死是癡腸可憐高興多年盡獨有詩成興故狂

吾徒落落少交親老及逢迎涕笑真虎口並憐經萬死鷄壇剛可剩三人白頭見面休驚瘦赤脚還鄉賴得貧

近喜合明倡絕學謂無同叅莫負再生身

重九日友人見過

柴門住近大江涯有客追尋路苦賒三徑葉聲高士展

一庭山色老僧家茱萸正熟經秋酒叢桂還畱滿樹花吾意詩壇今屬汝獨拚歲月註南華

寄題劉臣向山居

陶公祠側竹森森小構三間倚碧岑借倩石崖當戶擁安排老樹滿庭陰市囂漸作偷閑計家足縣知勇退心從此俗人都可謝白頭緇侶得相尋

田家苦

老夫生計苦疎慵學稼東臯擬自供豈謂歲豐偏乏食可知穀賤最傷農掃倉不補衙前費減糶權酬廡下傭為語家人休悵恨晚禾或穀一冬春

辛苦莊翁已半年自興東作廢朝眠調停力僕私加酒

護惜耕牛少種田。烏稻儘完邨店債。青苗先抵富家錢。
獨憐開柵鷄初飽。縛換官鹽向市廛。
陰晴不定屢妨功。辜負人家望歲豐。稻已登場淋驟雨。
禾纔垂粒損東風。欲薪老樹寬炊婦。許製寒衣勸牧童。
尚有水田難得獲。租船索酒費無窮。
餐飯親同襪襪群。沿溪植杖看耕耘。鄰丁倩得先爲禮。
頑僕央多轉不勤。農到老時求始約。事因誤後弊纔聞。
近來納課餘無幾。田主還勞履畝分。
歷年耕稼付兒曹。底事關心自取勞。病裏託僧尋草藥。
窮來賒酒向新槽。債多嫗善迎門對。米賤奴思棄主逃。
自種南臯三畝豆。鋤荒蒿長尺餘高。

卒歲無糧且莫愁。糶輸官稅免征求。急投米店憑虧價。
倍入錢家不肯收。暗地託人沽小婢。鄰居引客看耕牛。
明年決是辭田去。還掛蒲團事遠游。
從兄叔穎六十

河渚桑陰覆草廬。吾兄躬稼此中居。開荒原外春調犢。
看水田邊夜荷鋤。堤決空憐栖畝稻。潮來還望上層魚。
卽今初度無新釀。麥酒能沽亦醉余。
向來遯跡此河濱。不以滄桑慕隱淪。生計拙因黃口衆。
世情愁在白頭貧。歲時置酒招群從。風雨攜筐餉老親。
兒女債多婚嫁積。何年纔是自由身。

圍居示諸生

丁卯集 卷之七 七言律 十二 樂易堂

從此不憂過甲也

炎曦毒熱午偏加，茅屋深憑老樹遮。
高枕肯輸元亮宅，問奇虛擬子雲家。
溪邊潮長魚欺釣，陌上風迴稻見花。
長夏授徒無別課，獨揮羽扇講南華。
絺衣閒掛薜蘿墻，新剝霜毛覺易長。
隱几靜聞南郭籟，曲肱貪納北窗涼。
秋前蘭茁幾時放，日暮荷翻何處香。
講罷七篇吾事畢，晚來攜手咏滄浪。

九龍庵卽事

竹色松聲引路迂，蹇驢衝暑破薜蘿。
天邊雨過堆藍出，檻外江晴匹練鋪。
半日見帆移岸否，終年隔浦識山無。
不知犬臥緣何吠，似有攀巖采藥徒。
夜坐示冰令怒飛，二何生。

日落荒祠暮色深，兩行竹栢碧沉沉。
野煙忽合江無影，細雨纔聞澗有音。
犬吠彷徨何所見，螢飛來去似相尋。
端居不用臨書卷，正好隨時看此心。

新秋宿何氏山居酬玉成公度

小澗橫橋獨木危，故人相迓蹇驢遲。
鷄栖桑柘通邨放，稻熟溝塍滿路垂。
兩姓現存三世好，雙星况是一年期。
是夜老來兄弟難，頻聚薄俗逢迎那得知。

相距衡茅數里程，偶來信宿主人情。
年豐穀賤田家窘，市遠農忙野店爭。
藥酒試嘗容易醉，池鮮買得卽時烹。
炎天門戶通宵啓，可似吾廬犬不驚。

老屋山根數百年，晚炊攢合一邨煙。
秋收驢向空田放

日午牛依大樹眠口絕雌黃聊避世星憑太白自經天

時有高此異高阡巨宅多佳氣我愛松陰處處圓

松聲驟止色蒼蒼一片陰雲覆草堂雨過移牀無不漏

風來開幔未全涼衣衫濕處梧桐滴枕簟清時茉莉香

最喜菊華生意轉休煩澆灌野人忙

聞方君則避暑何克上池館小詩嘲問併寄克上

擬候雙星共嘯歌七夕公度約寒驢還報滯山阿方干

題咏應將遍何氏園林不厭過得意事防兒輩覺談心

話屬少年多老頑有興思闌入其柰炎蒸隔嶺何

中秋前一日過何克上蓮溪同君則及家兄作

記別園林八九年茅亭添蓋小池邊芰荷香裏三更坐

蟋蟀聲中半醉眠繞院吟詩迷夜氣隔墻打稻趁風天

月輪已定明朝望似為同人故早圓

山田糯熟酒新筍老爰邀同信宿畱竹逕陰森疑碍月

藥欄深淺自成秋青苔階面眠黃耳紅燭樽前對白頭

最喜芙蓉香不歇猶殘碧葉滿清溝

水邨示群從襍詩

青驢晴踏野田花雜樹陰濃小謝家短艇湖中初放鴨

荒階草際已鳴蛙笋抽夜雨新梢銳柳掛春風弱線斜

酒渴燈殘眠不得呼兒炊火再煎茶示席之

二十年前此舊廬桑榆陰合幾家居遺經尚秘南華註

放學私抄本草書樽覓隔鄰嘗過酒盤供小弟罈來魚

嗟君孀母吾丘媵猶記靈均誕降初示玉若

重修宗譜一山情為補茅齋特地迎母養缺因邨館散

兒書廢有水田耕知時不守儒生拙多藝羞成術士名

恠爾傾家營葬父雙尖遙指是佳城示長人

白板雙扉晝不關渚清洲碧盡廻環膝邊兒寐春時困

田上兄歸雨後悶向晚鷄栖喧柵外合門煙暗壓林間

茅廬碍眼須全撤自要巡簷看遠山示庶長

五月江邨即景

長夏江邨未寂寥莊家麥酒動相招湖田水足嫌多雨

草閣窗寒怕長潮稚子採荷包雀鷓居人下食引魚苗

山邊早稻看將出屈指嘗新一月遙

柴門新縛豆棚寬來往行人坐此看荷葉值錢須護早

麥仁炊飯覺春難流螢白晝潛瓜蒂水鳥清江乳芡盤

時有農夫相問訊分將常膳與同餐

今春累月滯湖鄉歸日蓬蒿塞徑荒蒲架虫生趨晒藥

一窗蛛網慢開房樹經手種私常看茶自僧分急要嘗

便擬買船營水屋明年須試養魚方

蒼苔不掃地無塵槐柳陰中枕簟陳朝市共知今日熱

閭閻豈獨此鄉貧倒乘牛背鴉欺豎久立魚梁鷓狎人

何晚兒童泗水戲牽來菰菜及時新

江流面面繞孤邨老爰時招懶出門攬鏡鬚驚連日白

註書眼在半年昏晨看露水晴偏濕夜驗星文熱最繁

炎夏始知新法善。數莖短髮賴全髡。
懶慢今年倍昔年。終朝行坐只溪邊。
渡頭風順歸漁艇。江口潮通到米船。
詩興偶吟佳句動。睡思長把佛書眠。
草蟲墻下聲聲澁。不到秋深已可憐。
暇日行田草自耘。筭來三夏已平分。
鷄登高樹啼驚夢。牛沒深泥臥避蟲。
錯對少年談往事。每逢遠客問新聞。
柴門極目江天迥。忽起奇峰是火雲。
新杉細竹逐時修。窗裏琴聲夜更幽。
炎月晒來人亦黑。南風吹久骨皆柔。
瓦疎入夏遭梅雨。糧盡經旬接麥秋。
却笑昨宵眠不熟。鷄雛放出未親收。

曉起

露華滿砌月當天。鴉鵲林栖各悄然。
近井婦喧爭早汲。合邨人起說難眠。
漁家欸乃三更艣。汛地依微一隻船。
本意追涼風總息。應攜童稚浴清川。

頓減

一年頓減舊聰明。記性惟于往事清。
話柄忽忘思總誤。族人頻會見還生。
加餐每勸脾難強。絕欲纔能體覺輕。
多謝詞壇常齒及。可知折福是詩名。

纔晴

猛雨纔晴已一旬。稻苗高下綠初勻。
鴨歸路口能分陣。鷺立波心不采人。
天熱兒孫書課減。晝長傭作水漿頻。
羨他赤裸騎牛子。日浴清江幾遍新。

近來

近來禮法喜全裁，老太疎頑世不猜。怕著衣憑梅雨裏，懶收書任竹風開。習醫道士畱偏太，載米鄰船望未來。暑氣中人餐飯減，那堪河朔共傾杯。

力疾訪程浮槎洲居看菊

河上老翁住水涯，閉門閑植一庭花。自憐好事能扶病，為喜畱人故在家。檻外淺深姿爛熳，籬邊高下色交加。與君飲罷身全健，酪酏無辭歸路賒。躑躅策杖看花來，萬朶千枝次第開。乞種自矜垂老得，問名還憶阿儂栽。吳人蓄花多設冬晴早葺深深屋日暮頻斟細細杯也識主人珍惜甚醉餘莫插滿頭回

田間集 卷之八

江上錢澄之飲光藁

七言律

秋夜宿松風閣示瑤星

竹樹深藏小閣偏，先生栖隱自何年。黃精好當三冬飯，皂帽難禁九月天。燈掩長干呼買酒，窗明通夜炤安禪。濤聲驟起繩牀下，知在高松頂上眠。

閣上對雨有作

雨壓松濤萬壑鳴，窗昏不辨午鐘聲。破山路狹崩將斷，荒塚蹊侵踏欲平。新剃白頭蒙被坐，耐寒赤脚化齋行。老僧定起爐灰冷，可有詩成徹骨清。

日間集

卷之八

七言律

冬夜雨花臺步月小飲

早臥天寒夢不成清輝起我踏霜行酒因偶酌忽然醉
月為窮愁特地明塔火熒隨市氣隱城煙白與暮潮平
水輪過界無人見獨上峰頭嘯一聲

暮雨示澹室

小樓深坐雨中尊戶外煙埋老樹邨酒店下山難著屐
鄰庵分汲與開門霜鐘杵細更初起佛案香遲晝已昏
三尺奚奴畱不住可憐炊飯累王孫小奴新逃

臥雪懷瑤星江上

高窗乍曉雪漫漫恁得繩牀徹夜寒衲覆且圖伸脚臥
簾開未敢出頭看千株老樹迎風白六出奇花夾雨殘

獨念主人江上公泊船何處釣魚灘

同三一上人客胡氏草廬

草廬秋老蔓瓜藤籬落稀疎夜吐鐙鉢袋喜逢行脚伴
繩牀長坐有鬚僧君從筆墨求安隱我借圖書演大乘
三教總來無一字何妨慧業與年增

胡星卿六十壽詩

勲戚飄零遍兩京君家兄弟最知名俠腸世已傾難弟
雅量吾尤醉老兄陵屋分多須別構墓田租少欲躬耕
郭門足跡多年斷不見羊駝滿帝城

公主墳邊課婢鋤先生生計未全疎朝應莊戶看分菜
夜叩漁家約打魚吟到板橋潮落處醉聞江岸雁來初

紙窗燈火茅檐裏坐聽兒孫讀父書

五柳成陰菊有花柴門置酒傍江涯青山滿目人空老

白法窮年髻未華戶外草盈高士屢溪邊鄰指故侯家

祝君擬薦安期棗豈勝東陵五色瓜

酬介丘上人

竹爐灰煖罷焚香擁被支離不下牀多病難趺雙膝坐
同年早占一頭霜番僧掛鉢私傳藥寶塔當軒屢放光
牛糞火中黃獨熟肯收涕為俗人忙

過爻蒼精舍

老叟投閑別院居松窗芋火即吾廬舊游數問燕京事
好爻常通遼海書對客添爐灰陷後冒寒洗鉢菜香初

年來丈室無長物柴米蕭然轉自如

臥病長干酬何敬輿太史

頭白飄零祇自傷故人宦後也淒涼交情歷盡難忘舊
色界空來獨悼亡圖籍猶存前代賜衲衣欲冒老僧裝
可知學士休官早原是狂奴昔日狂
老叟耽吟句懶工饑寒豈盡為詩窮譚經決定人難聽
托鉢長防路未通門掩舊京秋色裏藥香破寺雨聲中
與君共有傷心事貧病傷心更不同

雨花臺送別余大微之永年署

酒散高樓夕照殘送君滿地葉聲乾僧栖白下秋添瘦
舟過黃河月苦寒官舍夜長初共被江程米熟好加餐

前途候吏邊淮見不似頻年行路難

酬方楷公民部

舊游意氣已全新野性唯互老及親待客近情爲客久
治家有法起家貧纔窺白髮先辭祿自出紅塵不見人
破衲所需容膝地可堪晨夕作比鄰
門掩城隅向夕陰狂奴索醉動追尋閑教歌舞新翻曲
緩構園亭足用心禮法疎因同學早宦情冷是讀書深
最憐垂老生英物纔識之無遶膝吟

送杓司回宣城併問君謨

霜天凍滑小橋驢送汝衝寒返舊廬蕭寺冬殘爲客日
敬亭月上到家初道衰遍地難行脚游倦歸山好著書

借問君謨湯處士薨罌瓦鉢興何如

冬至夜同介丘及蒼陪牧齋先生禮塔卽事

裴公禮塔日初長佛號魚聲夜遶廊月出殿東清梵合
霜侵臺上戒衣香多生緣共依三寶未死心還待一陽
不是虞山真願力宵深爭見白毫光
佛是夜彷彿有光

寄題芑庵補山堂

芑庵家在洞庭灣漁子鷗群共往還市上但畱詩一卷
蘆中遙見屋三間湘煙日暮橫江白水竹秋深滿目斑
直北諸山無可画画圖應補點蒼山

蕭伯開河亭有作

水屋

合室長饑報國恩多病餘年休斷酒新聞時事莫深言
平生多誼兼師表爲爾家庭古道存

贈朱七處

城南白髮老頭陀菜甲畦中掩薜蘿穩著僧衣官不禁
閒譚往事難偏多避人索画侵晨出許我尋花傍晚過
赤脚抱孫看水漲憑他醉尉往來呵

卜居

西街市冷似邨墟爲聽兒曹此卜居流水一灣沿小徑
過橋幾步卽吾廬併因酒盡留儲粟圃待花稀改種蔬
預想炎天門晝閉北窗臥起讀丹書
板屋荆扉半欲殘梧陰入夏覆窗寒親除碍瓦藤千尺

獨護穿堦竹數竿好客來多頻缺坐新蔬炊熟苦無盤
朝饑賴得鄰僧米欲乞朱門一飯難

同嘉樹无忝有懷坐徐氏水亭因憶石谿及蒼兩
師東去

城南虛閣敞江濬客到炎天水漲時臥柳巧遮亭午過
歸舟橫任晚風吹持齋慣設名僧榻卽景能生高士詩
只在此中閒半日羸他行脚兩禪師

塞虹橋看水中塔影

長干塔火盡城隈影落橋東波倒迴點點曙星銀海燦
層層寶樹渚宮開直疑蚌吐千珠見忽訝龍銜萬燭來
不是焚犀通夜照江神水族漫驚猜

湯聖弘招同嘉樹有懷飲雨花臺共用秋字

每眺荒臺動客愁
白頭况是此時游
山因樹滌奇纔見
江以潮撐定不流
樓閣迥添雙闕恨
丹青空染六朝秋
登高賦屬諸君事
笑我逢場強唱酬

同陳昌箕杜蒼略閑步因訪星卿草堂待月歸途

有作

江郊騁步野人居
豆架瓜棚暗草廬
近席潮平鳴急舫
背檐月上白前墟
竹聲夾路秋深夜
荷氣侵街露下初
分手過橋詩已就
到家無火映階書

朱子葆別公有懷

嘉禾亂後信全稀
忽過南邨叩板扉
笑汝纔完婚嫁債

勸余莫著水田衣
雨淹塔寺花無賴
潮退湖鄉蟹正肥
去日行裝知掠奪
丹陽何計買舟歸

三山街遇陸漢東悲喜成句

荷衣棕帽朔風吹
市上逢君執手疑
未敢認真停問訊
似曾識面賴鬚眉
班齊客舍聯盟日
火照官船捧檄時
往事莫題腸斷盡
一回哭及一回師

姚六康過訪畱宿

端州散去嶺千層
何意重挑白下燈
諒汝公車聊免俗
看余野服已非僧
同門人在天涯盡
故國名疑夢裏登
午夜吞聲談往事
捫匄相問報恩曾

雪中張萬青拉飲

獨臥江天白蒲邨為君強起出柴門初衝市氣寒疑減
 漸沒城煙晝欲昏舟楫冰膠淮水涸峰稜粉抹蔣山尊
 老來怕就人家宿覆我重裘夜不温
 踏碎城南蒲路花空庭老樹白杈枒瓦溝次第通甯合
 塔火分明一氣遮直上露臺緣恃酒旋收臘水與烹茶
 看君轟飲難堅坐送我高眠道士家

卽事戲成

蠟燭花穠獸炭紅街杯無計覓妖童尋歌兒姚歌聲夜
 盡秦淮啞酒户人輸晉楚雄生楚人量甚豪吳簾外寒
 威頻問雪席間勇氣欲當風陳尊正飲客休去愁煞三
 更獨醒翁

雪後僵臥承曾旅庵損錢買炭口占奉謝

南郊雪後晝無煙市井蕭條歲暮天詩債每催侵曉起
 睡鄉長戀看山眠氣噓被濕鬚防凍足怯牀空膝苦老
 正報厨中新炭了故人剛送一緡錢

兵後重到草堂書懷

曾驚烽火暗南邨敢擬吾廬今尚存牛糞堆邊尋老叟
 馬蹄聲裏掩衡門灌園叟去藩籬倒載米船來市井喧
 愁絕不堪思往事滿庭秋色照黄昏

上河畱宿酬王汾仲諸子

步出江關路可憐偶乘高興小春天橋危獨木愁行旅
 潮落高灘鑣釣船津市一家初賣酒邨墟幾處有炊煙

日開集
居人好客爭爲主畱我樓頭累夜眠

憶江邨寄示兄子煦初廉裕隲祥及兒子瀆祖

江上青山桂樹邨先人遺構至今存本無多地爲園圃
獨此三間課子孫逢世文章寧有效傳家經術且互尊
同堂自昔相師及來歲吾歸細討論

寒夜念天界同叅諸子

破衲蒙頭擁地爐紙窗新補壁新糊殘書數卷終朝看
老屋三間一物無正好舖麩逢米盡偶然思酒乏錢沽
知君夜靜灰堆冷七尺單前凍未蘓
寒燈無焰炷無香坐到更深懶上牀讀易偶知冬至節
叅禪不入祖師堂果然火死灰重活但覺陽生凍未妨

借問蒲團枯坐客功辭剪爪爲誰忙

酬三豆大師

一衲蕭然自在身諸方獨有此翁真寒江破浪違慈母
古寺臨龕哭故人師來爲浪杖人封龕不斷情根存世諦可知佛
法在天倫我無一物堪爲供赤手將來未是貧

庚子正三日沈仲連楊商賢曾青黎方爾止梅杓

司陳伯璣同集顧與治宅

雨隔春城路未賒客途相聚頌椒花深杯潦倒羈人興
老屋陰寒處士家時事又憐三日過髣毛總向十年華
明朝便發還山權愁煞孤蓬月影斜
潛山道上雨過望雲中天柱峰

千峰迷失雨餘天，忽向雲端覩岳蓮。
白滿虛空遮不到，黛叅霄漢見難全。
危檣迥出銀河上，高髻平窺玉案前。
莫是巨靈伸指起，腰軀猶在雪堆眠。

太湖聶掌坪山居

司空山後一邨偏，我及誅茆十八年。
繞磻離離生藥草，穿階活活引流泉。
路隨灘沒朝尋渡，床厭溪喧夜攪眠。
坐久不知檐溜歇，瓦盆濁酒共陶然。
一溪曲折入花源，冒雨衝泥直到門。
炊飯無人輪子婦，采薇供客走兒孫。
草茅遮斷沿山路，燈火微明隔水邨。
悲喜半生談不盡，知君欲覆積年樽。
爲避風塵到此間，筆耕未許暮年閒。
路逢野客多酬酢，

門對溪翁數往還，稅急吏頻披草徑。
人稀虎竟破柴關，細看天意今將轉。
好辦移家早出山。

越巢爲左霜鶴賦

徑隱叢篁戶隱梅，茅齋斜倚半峰開。
空林人語窺難見，野路樵通唱自迴。
晝暝雨篩千嶂合，夜深溪怒萬山來。
高窗燈小兒貪讀，一聽書聲一舉杯。

主簿祠荒蒲薜蘿，一巢新構在岩阿。
久思學釣尋漁父，忽肯叅禪寄鳥窠。
野火燒餘山色淺，柴門掩後月光多。
溪邊坐聽灘聲鬧，常許施橋與過河。

左眠樵抱蜀堂落成

半生事業已全虛，垂老仍尋舊隱居。
澗溜昔年枯絕響，

岩藏先世讀殘書欲畱客飯親燒笋爲仰僧勤帶種蔬
我構茅齋空有願此中權可號吾廬

竹成

我來犢角未全生一雨纔窺數寸萌朝省地潮圍筍暈
夕看露顆上梢行倚筇量記過墻節撐石起聞出土聲
昨在九峰經宿返亭亭早見萬竿成

同左子兼子周尋山

尋山連日費躋攀不盡探奇不肯還黃鳥啼殘深樹裏
青鞵踏破亂峰間同人老似輸余健多事時偏勒汝閑
已約高僧秋後至掛瓢親許小瑯環左小瑯環爲山
喜姚經三成進士

名老詞壇榜正新可憐捧檄慰孀親文章早識無雙士

科甲連爭第一人擬經三兩關俱作吏鋒鏖應暫歛傳家

清白豈辭貧知君出造蒼生福利弊先蕪桑梓民

才子高科及壯年看君意氣轉蕭然新詩已見存心厚

妙画還窺用筆先莫厭刑名官近俗應知山水郡多緣

道人易註書行就望汝流通使世傳

左夏子懷西樓得山字

桐風初御晚涼還屐齒同乘物外閑百尺樓頭書萬卷
千重樹裏屋三間淡香細潑秋前茗遠黛平招雨後山
半醉祖肩橫說易一生天放老夫頑

初夏

梧陰初大竹初成天氣寒多穩卜晴野草花鋪紅毯潤
新秧風熨碧濤平幾雙山地牛頻叱一片水田蛙亂鳴
底事流鶯啼漸懶漫無情緒兩三聲
喚晴喚雨樹頭鳩處處農忙為麥秋山筍充盤和露折
野花入藥夾藤收學飛燕子空巢出作隊魚苗戲溜游
講罷南華無一事舊詩親寫與人畱

杜鵑

四月秧齊水滿邨杜鵑啼處綠陰繁山花似染三更血
國事徒傷萬古魂少婦枕邊春已去征夫嶺上雨初昏
天津處士休愁絕那得南人氣尚存

黃鶯

碧柳千條覆大堤鶯吭初滑聽難齊風前酒醒偏聞轉
夢裏人驚直恁啼似曲慢調深綠內如花流過斷橋西
知君自愛聲音甚定選陰陰好樹栖

百舌

春深山僻鳥鳴幽底事閒關笑不休一片舌翻千樹裏
百般聲鬧五更頭繁音學出人爭喜巧語多來聽漸愁
自是耳根難得靜讒言君側豈吾憂

画眉

小鳥和鳴何處尋聲聲不變異時禽四季清溪雨過矜
新晴別院風微送好音顧影漫勞京兆筆之聞名先動美
人心能言未必如鸚鵡閉在雕欄一樣深

夜集遠心堂示方田伯位伯素伯有懷昆季

東門苔滑客初還孤月猶懸老樹間謝氏才多詩自和
于公閭在畫長關金蘭兩姓通三世玉筍參天又一班
回首同時風雅伯禪心灰死萬重山

數過潘伯鸞小飲與陳二如劇談醉後有作

南樓深巷隱雙扉每訪潘生盡醉歸講易超超迎妙悟
談詩往往合禪機日斜川上收虹飲雷過城頭挾雨飛
不是衝炎頻擾靜微言欲覓解人稀

飲鄧東之却贈

老去同人跡迥疎可憐心事未全殊酒杯入手江湖興
詩句關情山澤癯親備襁含收死爰時週薪米郵遺孤

吾鄉及誼如君少祗恠元龍意氣麓

羨汝藏身出處間乘風高翮早知還數延僧住思離市
但得錢餘便買山生事喜于垂老足世緣肯放此心閒
論交杵臼今無幾一過高齋一破顏

方井公招飲

負郭墻陰僻似邨屐聲得得破苔痕山城水漫朝無逕
竹樹春深畫掩門酒在雨天容易醉詩于晚節覺難存
煩君好我思行世擬待刪成與細論

姚翼侯催粧詩

薄暖輕寒四月天黃鶯休攪合歡眠壁間絃是新調好
鏡裏睂眉知再画妍永叔大姨稱謂換尚書小女子孫賢

劉驥再娶趙是尚最憐集句聲聲苦從此摧燒不許傳
書第九女生九子
翼侯先有悼亡集句

吳于廷移居城北

新居負郭抵邨莊况有三間疎豁堂便縛架遮東晒熱
擬開窗納北風涼雜花滿院畱詩叟小石憑欄坐酒狂
共訝屋楹稍過直原來丘壑翹偏長

江在滄昆仲見過

鶯花入夏三都館蠟屐侵晨二陸來執禮爭知家有教
讓賢轉覺仲多才門庭見爾清修苦心事逢人笑口開
老公詞壇如不棄或堪頻把論文杯

潘蜀蒸邀同方爾從舒懷祝山如劉爾雅陳季白

潘彥升集石經齋卽席

潘岳閒居願不乖誅茅小構石經齋罷修碧檻惟栽竹
特閉朱門改用柴詩卷敢爲慈母較蜀蒸北堂詩集初成酒杯偏
喜故人偕談深燭盡西風夜落葉蕭蕭暗滿階

姚駕侯招飲錦叢堂

錦叢堂側碧苔斑滿榻圖書在此間年力正強思勇退
家聲方噪獨偷閒小窗日課詩偏富大戶天教酒不慳
客到所談方外事何須更買最深山

王以介太史出叅江西督儲小詩叙別

早歲爲儒典石渠借才暫出叱熊車舳艫自轉司農粟
膏火猶親太史書老及禪關深望護謂無可前賢講席

未應虛柴桑大有遺民在肯過潯陽一式廬
內史持籌佐大藩南州久困轉輸繁要知治賦循良績
早驗居鄉長者言國課正嚴寧望減民情少緩卽爲恩
遙遙澤沛西江水可有餘波漑里門

寄懷錢爾斐孝廉

武水泱泱滿縣流孝廉家在板橋頭竹聲晴聽通宵雨
山色陰含一院秋爲喜孤吟營小閣時招野客上扁舟
梅花墓側東門路惆悵當年夢裏游

兩年風雨臥南園問姓同爲武肅孫郭外花開春置酒
溪邊詩就夜敲門漬畱震澤孤臣血謂仲招斷虞山萬
里魂儘在莫話昔年行樂事鬪人紅袖至今存昔與

爾斐作使女郎賭勝爲

亂餘澤國遍風波破衲孤筇未敢過枕被幸存兄弟樂

併念庭階深望子孫多向來白髮應全禿老去青衣豈

解歌爾斐生而髮自又所寵借問畸圍憔悴叟驚魂定

後興如何先謂龍門

書懷寄錢仲芳

記別王孫十六年故人星散五湖煙也聞鬚髮隨時白
不見詩篇與世傳骨月難餘同產盡園林兵後幾家全
向來鄙句蒙收錄一字如存亦可憐武水有詩百餘首皆亡矣憶君家尚

風波閱盡道人裝無復狂奴故態狂一領衲衣常自補

數莖短髮已

小艇夕陽來去路不堪回首是西塘

寄魏交讓處士

憶昔狂吟武水濱竹林聲氣最交親謂令叔子風霜節

以孤偏勁清白家因亂益貧每恠市朝多隱士應共耕

釣老遺民東南比歲名流盡似爾超然剩幾人

汪瑤若寄訊云以三之日便過田間奉遲不至

聞君有約赴青山便訪茅齋桂樹間為擬聯牀添竹榻

呼開徑掃柴關厨無兼味應相恕酒入新年或未慳

一夜梅花開似雪可因興盡及門還

夏夜喜雨

火雲晚照四郊愁一雨滂沱豈待求天澤自依時節降

人情空為稻梁憂高田趁水都催種早稼盈疇已望收

多少農夫通夜聽聲聲滴在寸心頭

不種田園不納糧也欣時雨共人忙老僧豆架侵晨縛

鄰舍瓜藤一夜長墻外暗聞奔澗响林間微有宿燈藏

分來佛火無些事照我收書自上牀

見齊方壺關外書信有懷

覩君書札字如鴉遠自關東萬里賒病婦可憐長在榻

嬌兒猶恠不還家深宵夢醒沙場月絕塞愁吟野戍花

聞道遼陽饒唱和新篇幾拍入清笳

秋雨宿龍戒庵

久知山頂一茅幽乘興攀緣到上頭戶外俯窺千嶺合
天邊遙湧大江流陰崖霧重茶叢好絕壑風清竹箇稠
客至恰逢秋夜雨燈檠茗椀話西樓

萬壑松風小閣憑晚時雨細雜煙騰空山鐘早完禪誦
古殿天陰暗佛燈草徑頻來修供客竹房久去學詩僧
昨聞虎出還當路不是探奇不肯登

雨阻龍戒懷還青四松山莊

龍戒山頭望不舒赤城西去故人居四松齋裏寒添被
萬竹庵中夜喂驢獨坐肯開新甞酒閑眠難覓欲看書
相尋訂有涼秋約可料懷君暮雨餘

田間集 卷之九

江上錢澄之飲光藁

七言律

寄懷白門舊游

庚子秋何忍飛東下託其問訊諸子詩以代書不覺盈帙

馴象門西老逸民兩年晨夕最交親圖書相對全無事

龕糲同餐未覺貧雪裏顏開僧舍酒花時淚濺帝城春

楊雄居遠謂胡星卿吾歸遽試問追隨尚幾人

雨花臺側破山前有客樓居十幾年坐臥一牀人罕見

購求千卷手親編賢甥酷似能偕隱阿叔雖癡亦好玄

造席若知吾弟子怒飛解訪定容汝宿萬松顛張瑤星

元倬先生馬巷居修梧小石野人廬牀因客臥書頻卷

田間集 卷之九 七言律

詩以交嚴冊漸除頭白未妨冠服古眼昏應與簡編疎

別來念爾心灰盡尚覺杯中興有餘王元俸

青門未必世堪逃自是東陵隱計高竟肯種園身本健

公然執爨婦殊勞灰心轉怕新聞至得酒時防故態豪

與我明年俱五十那能同醉臥江臯常蒼谷

季子孤標野鶴姿老來持重亦吾師長齋不斷杯中物

遠害猶憐亂後詩世網遍張余自放禪關已過爾還疑

莫因學道身心苦何日為君撒手時錢季水

園上頭陀族本華多年賣画作生涯閉門反教鄰人鑠

潤筆常防老及賒許我丹青淹歲月憑君濃淡寫煙霞

客來直造柴門取託怒飛莫道翁翁不在家朱七處

城北王生舊有聲孝思及誼嶺南行親喪遠至通街泣

旅襯偕來舉國驚王迎喪嶺南併酒到十分神始王身

惟一綫子非輕橋邊相訂移家出擬竟吾鄉數畝耕于

仲子無端滯網羅北來家信近如何櫻時早慮危機伏

處難還知俠氣多老及夢魂千里共阿兄鬚鬢一年皤

謂生生還速寄江郎訊飛過衡門與嘯歌胡君屋

城南野色滿西街白板門稀漸補柴佛戒易持難斷酒

家人不勸盡長齋市中賣藥惟僧乞寺裏聽經有弟偕

臨去誤收書一卷至今展對即開懷張僧持

吾道東南盡隱淪同時最有子雲貧辨端欲起皆知讓

星學頻推豈認真楊好推性不茹葷非佞佛家常絕粒

未求人江邨老多柴門遠撥草穿畦月幾巡楊炯伯

墻東高士髮星星老屋苔侵戶晝扃野哭每逢先帝

忌家貧其授小兒經談時微中平生少酒不辭斟徹夜

醒應有著書人罕見誰能竊向帳中聆王維中

墨妙如君海內稀看君游戲頗忘機囊非正乏輸錢却

卷自成堆得酒揮送去變僮經宿返約來雅集及期違

青田小石瑤星贈許為鐫還竟不歸張大風

衣屨蕭然處士風年來世法訝能通律詩自與唐音近

章法還於漢篆工宅卜南邨多夙好身離西席便奇窮

同生壬子今無幾明歲齊禰五十翁吳樵月

荒園一逕入蒿萊常與溪翁薄暮來但到賓朋逢茗熟

弗拘時節有花開家私已盡惟藏画酒量雖差不斷杯

猶記小橋橫席坐月高闌進醉忘回姚伯右

每詫翁傳導引方顏如丹渥髯如霜朋樽難盡先生量

巾服偏宜道士裝兒使廢書零賣米婦因賃屋替春糧

自從城北兵川後合室依栖老及傷陳石鯨

隆準爭憐高帝孫每談往事欲銷魂朱門入籍知難賣

翠袖從良說尚存亂日饑寒猶是福非時凌虐豈稱寬

遠游為負兵家債流落松江何處邨朱茂昭

蓬門開向小橋邊避世經今十六年遂見山陵供牧馬

每逢國忌拜啼鵲授經半出門牆下佞佛時遭塔寺前

羨爾食貧蕭散甚杖頭常帶酒家錢

金伊仲

年年麥飯哭冬青皂帽相看共幾人麩蕪難消南國恨

菱荷不染北風塵徒聞苦竹矜高節未有寒梅漏小春

意氣似君貧不久問君底事只長貧

殷任野

白鷺洲頭五柳前相逢亂後各凄然却看襟袖無寒態

轉訝容光似少年星學細談高士命酒杯多費故人錢

南中氣節帶吾黨笑語從容覺汝賢

劉俱白下人

早昔逢迎記不真那堪鬚髮盡如銀疎花小檻松江宅

野逕孤筇白下人寓居白下畫倩老僧傳筆意繡疑嬌

女是針神家繡多乞如何歲暮柴門掩又作番官幕裏

賓褚白浮

建安游子滯難歸困在江城古帝畿賣画僧慳分潤少

燒丹爻死乞錢稀謂陳公舊書售去憑虧價深巷尋來倒

啓扉多少閩人金布地如君合是苦長饑

黃波民

蔣生卜宅徑常開筆墨篇章世共推親老遠辭蠻府幕

客歸空插嶺頭梅愁看歲逼衝寒出喜勸翁閒講學來

更是耽心憂大阮謂玄扈株連雖釋幾時回

蔣植之

馬路街邊舊草堂圖經千卷小樓藏異書試檢篇篇讀

僻事如徵字字詳呈去逸詩勞採錄借來秘本竟遺忘

王以書見定知此物神靈護劍合珠還尚有望

黃俞邵

門西小市倚城隈一月經過定幾回初學易林頻布卦

自開酒店動傾醅嬌親節著徵詩檄令弟名齊作賦才

斗室炎蒸深坐日北窗曾有好風來湯聖弘寓以

憶別梅岡舊酒鑪憐君行脚一身孤性難合處原知僻

跡太奇時漸近愚闕里志書修就否孝陵圖本蹋殘

無顧項修闕里志白門相念癯禪外謂旭尚有南陔老病

夫顧寧人頭白張顛志已灰萍踪未許海鷗猜幾家園內求花接

何處階前選石堆丘壑境從詩法悟江湖與自酒杯來

導師有意為摩頂浪杖人欲念著萊妻苦要回張大玉

蕭寺浮居客滿廬談天聲價近何如酒錢共仰君平卜

詩句頻央逸少書謂王樹裏簾收人散後橋頭燈燦月

明初經行處處同攜手獨有狂奴足跡疎周勿庵

籓帽荷衣野客裝可憐奇癖在膏肓竹筐滿市收茶具

藥裹逢人試禁方家為燒丹全破廢身思賣卜始韜藏

知君有宅桃花塢那肯閑居在草堂謝逸人。以

檜樹森森滿寺陰蒼苔路滑日相尋同叅單上人皆散

說法堂前草漸深托鉢幾完行脚願把茅誰作住山吟

栖霞塔就吾何供千里拈將一寸心天界寺同叅諸子

長干壯麗九州稱聞道今年土木興畱取臺基容禮塔

倒開窗戶看燃燈杖人儼垂簾大半多高士掛錫其中

有異僧若遇故人相問訊為言鬚髯白層層長干寺諸

新亭岡轉一茅孤破衲棲山老更癯持戒自知嗔性在

授經屢辨字音誣蒲團夜雨談圖識麥飯春風哭鼎湖

日開集 卷之九 七言律 五

最是別來常掛臆佛前摩頂小僧雛旭初

憶在長干數往還避喧深入祖堂山二時齋粥松根送

雙扇柴門竹裏關老病秋林增點綴蹣跚石磴慣躋攀

去年寫幅煙雲寄牢掛江邨草屋間祖堂介丘上人

南來佛法自牛頭二十年前此熟游長憶小房耆舊住

偶逢佳客茗蔬畱大江潮白窗窗見古澗藤纏樹樹秋

相識獨存監院叟對人猶說昔風流牛首監院定禪

高座苔荒野色侵游人只在雨花陰路纔轉過喧隨隔

客自來稀境豈深黃葉堆邊方士醉梅花窗下老僧吟

一從寺閉兵撥後無復扶筇得得尋高座寺

南朝諸寺首長干百戲叢叢院落寬黃口喧稱新國手

寺有夾手樓十餘齋白頭閒話舊中官御碑額許游人坐輦道錢

憑賭豎攤近日松園頻試馬可憐老樹半凋殘長干寺

溪流脉脉繞頽牆曾客荒林舊道塲竹影篩殘深院月

梅花凍白一庭霜禪琴僧見經時化說劍人傳蹈海亡

今日山門新壯麗為看丹堊益淒涼普照寺以上

朱雀橋南塵最喧纔離市口綠陰繁青苔巷掃家家路

白槿籬編處處邨王氣已銷松樹盡兵機新得竹林髡

比來煙雨蕭條甚空有樓臺望裏存

琉璃密上一邨偏小巷疎籬盡可憐僧舍門當清晝閉

人家路向亂畦穿打柴婦過空藩圃放馬兒來各歛錢

數里琅玕官伐盡卽今幾箇轉蕭然

日周集 卷之九 七言律 六

南岡路出鳳臺門草色苔斑滂淚痕碧血已收難入土
丹心終在不稱冤未聞令下仇枯骨徒以交貧滯旅魂
擬歛錢租荒寺地可還移得殯江邨
移居爲卜白門幽豈意居民事事愁闌市怕收騎死馬
犒兵權借放生牛逃完戶口官難問牽去妻兒債未休
唯有山僧裝不改近聞牒下漸苛求
小市居因老及招短牆門閉草蕭蕭偶逢僧出搖葵扇
閒看潮生坐板橋晨起絕糧鄰肯借夜歸辨語犬來邀
盈庭秋色誰爲主獨有胡翁歎寂寥

以上雜憶

辛丑四月初度自述

自驚鬚髮忽蒼然草草人間五十年剩有文章傾後輩

未甘簪紱讓前賢敝廬不改松根屋恒產惟存水上田

一事較于諸老勝日高贏得竹窗眠

活計蕭條總莫論白頭今有幾人存因傷師友心全碎

爲哭妻兒目早昏老矣體增新病痛瘦來瘡發舊刀痕

猛思往事慚無地畢竟偷生負國恩

自出庾關十載多偶然披剃作頭陀稱心山水逢隨住

得意篇章醉必歌妄想看來難斷滅名根到底未消磨

不僧不俗憑人恠一向顛狂奈我何

莫笑支離半百身逢場干木幾回新羞將詩賦稱名士

謬以交游附黨人死散多門休歎老徵求到骨幸能貧

近來不讀牀頭易祇覺天心處處親

手自藜牀臥幾回自知衰病暗相催
觸熱還防遠客來一綫交情縣五韻
從今口戒除詩酒此外逢人不許開
此身只合入禪關那得辭家竟不還
每夜常規難斷酒
多年獨宿未全鰥偷閑擬作客中客
遠害何如山外山
欲叩祖庭無路去祇應歸老白雲間
白雲為吾家山
蕪湖胡逸庵見余寄懷白門詩捐貲授梓寄謝
白門曾把暮秋觴吟嘯經今興未忘
過客半停津市櫂
貧交時仰米船糧逸庵載米白門詩存難後休文序酒
送閔中靖節嘗有佳酒必鄙句偶傳何處見
謬勞刊布
遍江鄉

七言排律

秦淮邂逅曾旅庵走筆却贈

子固聲名世久傳東南岩壑踟將穿閩江冠蓋浮雲散
粵國詩篇夜雨聯到處買山成小隱有時歇脚便安禪
諸經註誤緘關較先輩文殘割俸編分韻苦吟光孝寺
尋蹤潛問佛山船飄零白髮兵烽裏邂逅清溪水閣邊
倒屣迎門呼姓字移牀促坐訴風煙鬚眉已改音能辨
涕淚難乾眼未痊僮僕爭看相識少交游細訪幾家全
忠魂喜聽南陽烈謂李源白苦行真輸給諫賢今出家轟飲
酒徒為異物含香小爻亦高年兩傍屬耳疑談夢半醉
搔頭敢問天闔閣持齋多難後兒童執禮故人前屋價

日南集 卷之九 五言絕句 八

正高休住市催科日急莫求田與君共覓長干宅白飯
青蔬果腹眠

五言絕句

清商小
曲附

月夜

孤月當門上清光徹夜寒遙知人境裏只有一僧看

午睡三首

北窗隨意臥竟日少人來自把雙扉闔春風吹又開
牀上書忘卷松風次第掀夢中聽乍醒似有客來翻
貧居真樂處未許俗人知過午煎茶熟剛逢睡足時

雨窗

昏昏連野雨漠漠隔溪煙煙雨遮茅屋窗中有客眠

苦寒二首

凝寒看不見剖面本無風應是虛空凍人居冰腹中
氣化疑全滯凝陰塞兩間祇餘方寸地呼吸得迴環

雪朝

恠得鳥聲住開窗看雪飛今朝眠不起料是客來稀

贈園居老僧

上人勤梵行助我住山情每夜三更醒遙聞磬一聲
耕種惟三畝經年不出邨自裝金相畢還欲改山門

題所錄書

自得陰符訣宵深匣有光世間無壯士付與鬼神藏

歎老

豈意吾真老近來始自疑
他年少輩行樂不教知
祇是三年內人驚老態多
中心雖不服其奈白鬚何

有感

吾家逢朔望祖廟禮無違
不及十年內頭班漸漸稀

可歎

諸兄看已盡世法到閉身
可歎除僧服重來作俗人

來園雜詩

園中花樹不植自生周旋已久各贈二韻

梅

已覺寒梅早枝條故故遮
今朝檐際覓親見兩三花

桂

桂樹千年物叢生有六株
小山盈十畝盡是落花鋪

松

宅後松全秃多年老此峰
祇愁雷雨夜一半公為龍

丹桂

桂樹月中種香濃白露天
把杯吟一曲紅雪落翩翩

橘

橘柚經時摘青青日漸黃
最憐人靜後無故忽然香

紅梅

水姿原絕世底事學紅粧
艷色春無限誰容汝擅場

柳

嫋嫋門前柳絲條拂地垂
春風吹有意為我掃茅茨

田間集

卷之九

五言絕

十

卷之九

蠟梅

著色宜為豔，輸香覺太濃。是梅皆冷淡，花譜冒同宗。

杏
古杏邨邨見，春煙樹樹籠。恠他經雨白，只在半開紅。

櫻桃

忽訝花如雪，難禁一夜風。熟時偷最早，鳥雀與兒童。

桃樹

小桃當軒映，輕紅亦自嘉。山人新接過，還擬似朱砂。

山海棠

爛熳荒山裏，芳名孰與標。漫誇西府豔，一樣雨中嬌。

梔子

素花真六出，似與雪爭奇。正在純陽月，陰來報我知。

苦李

月下疑無色，煙中薄有姿。從來不結實，誰賺路傍兒。

辛夷

木筆花千朶，把將芍藥看。暗中開繼落，一月不知殘。

山桂

素華零似霰，驚起一庭鴉。忽悟鳥鳴磻，春山落桂花。

詰鳥鳴磻有人問桂花落夜靜春山空句

冬青

霏霏五月雪，鬱鬱萬年枝。雨水何須卜，花開過始知。

占花開盡則後無大雨水

日昇集

卷之九

五言絕

十一

樂易堂

白石榴

層層皺縠紋搖曳有清芬想見文君寡新粧白練裙

紅山茶

山茶何代樹豔色吐丹砂只得一枝在還開千朶花

紫薇

野色邨頭賤何緣植禁中應憐名字好偶與帝星同

梧桐

滿院梧桐葉飄零早報秋免教深夜雨點滴到心頭

木瓜

堆盤香白妙入藥效尤殊世少瓊琚報山人莫浪投

竹

春篁添數箇已覺笋行邊勢欲穿田下明年許廢田

羅漢松

纖纖佛頂青燦燦僧欄紫發願蓮花生結胎應如此

柿

柿葉無通赤斑斕錦不如更憐枝似鐵屈曲未全舒

雙檜

老樹如車蓋交陰翠幾重此中堪構屋恰對九華峰

杉

手植新杉樹一年一節青孫枝根下起出土便亭亭

烏柏

可憐烏柏樹不待曉風吹白滿枝頭粒畱克鳥雀饑

皂莢樹

高樹秋深葉童童葆蓋黃把茅當頂破特為覆空王

木槿

籬落紛紛布朝華亦可觀要知容易落不使見衰殘

天竹

五尺琅玕樹新縣辟火珠朱欄相映好原不倩他扶

杜鵑花

不信花為鳥斑斑有血痕枝頭無語喚游子暗消魂

薔薇

不是春花豔誰移野刺裁恠他無力起只要傍墻開

甘蕉

盛夏當窗覆炎威也似寬借他陰正好修竹漫相彈

虞美人

拔山徒有力無柰弱姿何不住臨階舞知余善楚歌

讀曲歌

吳中出細布匹短幅大濶不中裁儂衫縫衣與郎著解一

遍調耶孃傳小曲儂能度郎勿按拍板幾番教儂誤解二

郎好白晝眠上牀推不醒旁人錯相疑只恠就儂寢解三

郎喜出門去望郎畏人知暗中布方局郎自不解期解四

郎性不飲酒雅好捉鼻吟蓮子種成藕絲絲有苦心解五

黃蘗當門生為郎作籬落終日彈七絃聽取苦中樂解六

薄命曲

安邑張萬青悼姬作載花船傳奇索同人賦詩

妾家住金陵姊妹良家子身如金錢花被人作錢使解一
車過秦關去知充後房姬嚙臂謝阿母低頭事諸姨解二
君家庭廣廣多植合歡樹但得為人憐不恨為人誤解三
阿母舍女歸泣涕終夜語養蠶喂黃蘗腹內絲絲苦解四
脫釧要阿母妹勿別與人諒爲人小婦寧有姊情親解五
弋人坐磐石野鴨飛滿塘蒲弓不在手一獲兩鴛鴦解六
郎載阿妹行荔枝得飽食妹勿食荔枝奴嗔他生在側解七
妹宿羅浮旁姊在秦華頂夢中擲梨花與郎同哭醒解八
夢醒促郎歸妹來姊不見幃前出皓腕念姊臂上釧解九
郎采芙蓉花花葉大如船儂自乘船去郎心空見憐解十
以上俱叙傳奇中事

田間集 卷之十

江上錢澄之飲光藁

七言絕句

石屋

石屋重來萬恨侵獨畱高檜碧森森兩廊羅漢舊相識
記得當年夜苦吟
唱和已稀蓮社侶送迎不見虎溪僧夜深醒却十年夢
獨對千峰一點燈

春蘭

空林疑有數花開香氣無端忽自來只在此中尋不見
幽芳強半野人栽

秋蘭

秋蘭初茁滿叢芽一箭能開十朶花不信幽香濃若此
祇應移植貴人家

戲作示汪瑤若

記得相扶禿袖香醒來依舊宿空牀料他不毀山僧戒
豈怕通宵般若光

遇柳雲禪師

學到無心迥不猜南邨丈室為新開皈依共信修行苦
那識曾經上座來
聞海風波不可思與君畱得老頭皮殘年只合相依住
君賣丹青我賣詩

長干寺走筆謝曹梁甫惠米二首

羨煞南鄉米似珠故人損價特貽余連朝買飯今親煮
暢好長干一月居
賣賦營炊價漸微今晨已辦典寒衣可知仁祖真相念
笑定修齡此日饑

慧音寺尋密傳禪師

一徑斜穿古檜陰長廊晝暗碧苔深閉門不省秋光好
獨對爐香自看心
少年白下舊詩僧忽棄詞林學大乘鄰院小師尋入社
不知名已上傳燈

訪木平上人所居一茅是長干絕頂

絕頂孤扉晝不開。望中煙樹隱樓臺。有時雨久炊常斷。居士敲門送米來。

送與安上人越

越中佛寺遍千峰。何處叢林不可容。近日能詩隨付法。漫勞枯坐悟南宗。

得姚孟峽廬山監院書信

廬山監院定知誰。尺素親傳自藥師。却認姚髯書法熟。同鄉居士漫相疑。

茅坪庵裏罵空王。鼻孔遭牽豈更狂。為說澹歸行脚苦。

開春走乞嶺南糧。

初澹歸在茅坪潛製僧帽為孟峽所訶

鄧府庵棋僧

鄧府庵前草亂生。荒墳細路少人行。竹風滿院雙扉閉。聽得楸枰落子聲。

步月長干寺聞橋上有吟余飛來峰詩者且細述

其事

孤月縣空滿院秋。舊詩有客咏橋頭。咏餘更叙狂奴事。細聽如為夢裏游。

望長干寺

南岡回望長干寺。寶塔紅樓碧瓦亭。恰似將軍濃蘸筆。層層顏色寫丹青。

黃俞邵以燈夕後一日三十初度用湯聖弘原韻

補祝

江南節物忽華余萬卷爭陳燈市初却在黃生踪跡少
自緘竹閣校藏書

家近皇城馬路邊 孝陵長對草窗前卽今三十成名
士不見松楸十五年

修竹藏軒暑不知秋來冒雨偶披帷閑繙奇字多難認
轉笑無公字學癡無可師以字
學付俞邵

詞客登壇半楚騷爭酬新句薦春醪老年屬和吟求穩
白首江天苦費搔

金陵口號

漢家法物廢爲銅觀象臺存器已空却說渾天儀尚在
撤來零落府堂中

每憶魚鮮羨後湖持竿敢動一鱗無水衡已弛 先朝
禁特召江頭網戶租

舊內門封不敢開幾時瓜菜滿城栽當年賜作中山第
夜半離牀叩首廻

大中橋北北人栖南內淒涼白晝迷時有推囚官吏到
夜深窺鬼遍城啼

南朝冊籍重魚鱗鎖鑰關防察視頻發出街頭官價賣
家家窗戶一時新

牛頭山下鐵心橋千載精光自六朝爲擬鑄刀官取去
只今劍氣可冲霄

靈谷松陰五里長窺人鹿出色全蒼如今樹盡三門毀
日開集 卷之十 七言紀 四 興乃堂

獨對鍾山看夕陽

城南樹色靄氤氳石馬高低貴戚墳松栢伐完荒塚塌

牧奴磨滅斷碑文

萬松無復一松遺來往人詢正學祠棟宇盡傾孤像歸

冠袍危坐雨淋漓

古樹蒼蒼官路傍墳園無主說娘娘花磚碧瓦皇陵

式撒向叢林蓋講堂

歲祀南郊古帝都天壇猶憶舊規模棟梁處處栖靈氣

賣與人家住得無

園陵宮闕已全傾十八門樓又毀平往日金湯須底固

太平不用外羅城

牛首重過桃花磯

桃花磯上有精廬二十年前此讀書遍覓臨溪房不見
被僧改作行人居

寄牛首三茅峰老僧

憶在峰頭遇老禪亂中畱我竹房眠忽驚烽火隨人散
猶欠廬陵米價錢

過甘露閣

小閣柴門竹裏開游人只到短牆回官兵伐竹山僧去
三徑無籬任往來

秦淮歲暮宿倪越公孫雨田寓閣

水落秦淮夜悄然故人畱我讓牀眠燈前一卷時時看

太史遺詩手自編

少年爲客苦寒宵水閣經冬最寂寥兩岼綺窗通夜閉
孫郎向月自吹簫

吳拙存出示哭鑑在詩屬余序之因成一首

幾度哀吟調不成斷腸况是鶴鴒情作君小序無多字
一字書成哭一聲

和方有懷孤鴛鴦詩四首

微禽幸脫網羅中敢羨雙飛恨在櫳君是合歡牀上客
祇應持贈獨眠翁
十首詩成盡可憐憐他隻影小窗前也知嶺外歸來客
獨宿松間十七年

此生交頸夢難成媿煞人間伉儷情喚作鴛鴦單不得
時時顧影怕呼名
吟君詩句斷人腸底爲鴛鴦苦悼亡玉鏡臺前吟不得
防他聞著暗心傷

自潛山入太湖道中卽事

望去峰尖雲裏見到來山色霧中看知無脚力穿雲霧
空向青天倚杖歎

見說峰頭一水環最高頂上杳難攀居民不省稱天柱
指與游人說萬山

三祖寺前多酒店僧家原爲住山開葷腥不入齋堂太
專待燒香老嫗來

岳勢凌空不可求，遶廻祖塔筭來游。憐他得法堂頭苦

客到披衣預上樓。以上潛山道中

溪廻百折繞山遙，裊裊橫空獨木橋。一夜水來橋盡斷

過溪直待漲全消。

一道清流走白沙，青杉翠竹有人家。門前路斷應難到

來往灘頭放釣槎。

司空山亞院公尊，遙望牛頭一角存。漸到山根看不見

煙迷雨暗杏花邨。以上秦湖道

積雨連朝溪路漫，奔流壞棧過山難。道傍借問先生宅

直上銀河三角灘。訪聶掌坪

白鹿坪贈寶惜庵主

身雲岩下虎聲驕，白鹿坪前斷采樵。虧煞四山風雨夜

跛師來結小團瓢。

山根有客裹胡麻，遠餉闍黎不在家。獨有破衣懸樹上

草間揮汗自鋤茶。

山前山後絕人煙，每爇爐灰火自然。昨歲雪中香忽滅

罷炊忍餓過新年。

一徑荒荒入草萊，佛堂燈在竹門開。游人吹火燒茶熟

日暮山根負米來。

穀雨過來又一旬，家家泥竈焙茶新。明朝赴請前峰去

盡把茶山託與人。

腰斧穿雲獨自行，空山無伴响丁丁。枯株倒向溪邊爛

日開集
畱待明年木耳生

九龍庵葉道士索題

住山道士不相知也愛西頑近體詩長夏烹茶新滌硯
拂箋來乞步虛詞

幾間屋得一間栖愛向籬根養白雞忽事割烹求潤筆
至今窗曉不聞啼

不須搬運動驅鬼不用燒丹苦費心只把藥醫黃雀脚

衙將瓜子種成金

道士養一跛者

松樹歎

偃蓋虬枝近百年長籠佳氣護高阡可憐葱鬱一朝盡
伐與官家造戰船

深松茂栢鬼神栖車蓋亭亭遠近齊自是人間官法重
那能復顧夜臺啼

空山伐木响丁丁說造舟裝下海兵恠得山靈畱不住
樹頭夜夜有潮聲

高標勁節入雲孤不受秦封五大夫用汝作舟期破浪
貞心還肯濟川無

畱松詞

隔嶺蒼松大蔽牛工師肯向小山求常時恠爾無材具
不是無材那得畱

根株已分斧斤摧豈意全生賴不才料汝終無舟楫用
從今偃蹇傲山隈

宿輔仁館夜起示楊得之童穉公期公
何處鐘聲報耳邊
起來行坐月當天
諸君未見清宵好
只恠吟詩夜不眠

宿方橋枰市居

廣文宦罷有新詩
斯道惟應老去知
深夜莫談南渡事
當時恩怨豈堪思

檻外有辛夷極盛
每春開花數千朵
夏秋之交輒

復吐一二枝
然鮮豔不如矣
詩以志慨

一春木筆爛如霞
一名木筆花
三伏炎蒸尚欲華
應抵詞人

垂老日綵毫時吐
夢中花

花開爲負木蓮名
俗名木蓮
擬競芙蓉出水榮
大似過時

難騁豔與他當令
豈能爭

見新筍有感

瘦竹龍鍾三兩竿
年年池上望檀欒
今朝新筍盈林迸
不見吾兄倚杖看

弔新移梅

壓樹堆枝白玉葩
多方移出俗人家
那知一片憐香意
斷送牆頭萬朶花

馬上兒行

五陵惡少探丸兒
躍馬彎弓白晝馳
路遇官軍相借問
分剛身隸正黃旗

河北山東羽檄催
紛紛馬匹向南來
廬州太守公然劫

一帶城門不敢開

一樣邊裝誰敢遮當街下馬問生涯近來客夥爭能鬪

散入鄉邨打富家

三尺瑯弓不離身邨南邨北漫邀人平明上馬東西去

去後官來捉四鄰

水邨示從孫昆牧

水邨群從半孫枝似爾神姿亦出奇生長田家渾不問

閉門私寫老夫詩

綠樹青溪共一邨牛闌牆畔紙窗昏春來頗被鄰家恠

底事詩翁屢到門

檻外辛夷盛開

凭軒兩樹紫辛夷二月花開不計枝朶朶擢空爭吐焰

更無一辦肯低垂

房如賦粉寧為白朶蘸蘸脂不道紅一樹蓓蕾千點火

枝枝尖焰欲燒空

戲贈飲客吟客各八首

飲八客

頭白邨翁臥路隅有兒能負有孫扶莫嫌老太朝朝醉

不是豐年得醉無

日落漁翁不下鈎賣魚取醉臥船頭鄰幫開動頻相喚

喚醒撐篙網未收

佛前日醉兩三場莫笑山僧是酒狂醉裏觀心無一事

看人妄想坐禪牀

僧

黃冠道士酒賜寬也不言饑也不寒古廟雪深伸脚臥

自稱身服大還丹

道士

縱博攤蒲夜不眠千場輸盡滿腰纏醉來胆氣麓豪甚

一擲收還百萬錢

博徒

邊人一醉臥沙場滿耳淒風滿面霜夢裏不知身已酒

只疑天煖似家鄉

征人

赤脚鶉衣雪裏行乞來殘酒卽時傾草堆一夜齁齁睡

多少朱門醒到明

乞人

新插青帘掛酒壺時嘗一盞看佳無興來且盡牀頭甕

不管人家沽不沽

賣酒翁

膽餅新插朶離離莫笑無根但有枝檢點樹頭開及落

與他爭較不多時

餅中

漫道燈前色較殷含嬌含態有無間應同金屋珠簾卷

一片清光映玉顏

燈前

盡日尋春花裏藏折花端合獻空王靈山會上傳何事

驀地拈來笑一場

佛前

著雨花枝最有姿嬌柔無力倩扶持也知雨欲催花去

引得人憐在此時

雨中

旅况經春恨未消偶然失笑在花朝笑他不戀枝頭住

也逐東風處處飄

客中

亂來忘却已交春恠得山花次第新辜負東風勤著力

世間未有看花人亂中

聽說春光欲起看，倩人扶著倚闌干。勸花莫恃精神好，

也怕風吹雨打殘病中

每日花前飲一壺，半酣看去眼模糊。莫矜豔色欺人老，

醉後朱顏賽得無醉中

看月十首

夜靜江澄匹練鋪，篷窗開處月輪孤。卽疑龍女深宵出，

來戲波心一顆珠江上

露白煙銷欲夜天，水輪却向馬頭圓。此時見月惟行客，

一路人家盡早眠馬上

夜長推枕轉身頻，入幌穿帷月色新。應是姮娥眠不著，

潛來窺伺不眠人枕上

松間明月最銷魂，細影疎痕映板門。一派潮聲風攪亂，

還疑初出浪中翻松間

參差竹箇翠交加，影落虛庭迥不遮。一片空明疑積水，

水中藻荇任橫斜竹間

萬葢千條屋角邊，梢頭忽見一輪圓。黃昏時節無人到，

翠羽嘈嘈滿樹煙梅間

蒲團宴坐在雙林，灰死香消夜色深。惟有法堂孤月上，

清光如鏡照禪心定中

清宵見月幾含情，似爲愁人故故明。應是夜深纔皎潔，

不愁不坐二三更愁中

積素揚輝通夜照月光雪色一般清若非移上闌干影

地底平鋪辨不曉雪後

舞席歌筵徹夜開當頭幾見月徘徊清光不逐豪華散

歌舞完時上砌來席散後

